

## II - ARABAKO LURRALDE HISTORIKOAREN TOKI ADMINISTRAZIOA

### ZUIAKO UDALA

#### **ZUMUZU 2020 Zuian musika eta ikuskizunak zuzenean programarako diru-laguntzen deialdia eta oinarri arautzaileak merkataritzako eta ostalaritzako establezimenduek parte hartzeko**

Udal osoko bilkurak 2020ko martxoaren 12an egindako saioan honako hau erabaki zuen:

1. ZUMUZU programan merkataritza eta ostalaritza establezimenduek parte hartzeko laguntzen deialdia eta oinarri arautzaileak onartzea.
2. Erabaki honen bidez araututako diru-laguntzak 2020ko gastuen aurrekontuko 1522.481.000 partidaren kargura ordaintzea.
3. Deialdi horiek ALHAOn argitaratzea.

Erabaki honen aurka administrazioarekiko auzi errekurtsua aurkeztu ahal izango da Vitoria-Gasteizko administrazioarekiko auzietarako epaitegi egokian (txandaren arabera), eta horretarako bi hileko epealdia egongo da erabakia argitaratu eta hurrengo egunetik aurrera.

Dena den, administrazioarekiko auzi errekurtsua aurkeztu aurretik aukerako berraztertze errekurtsua aurkeztu ahal izango zaio argitaratutako berriazko ebazpena eman duen organoari, eta horretarako hilabeteko epealdia egongo da hura argitaratu eta hurrengo egunetik aurrera.

Murgian, 2020ko martxoaren 13an

*Alkatea*

*UNAI GUTIÉRREZ URKIZA*

#### **ZUMUZU Zuian musika eta ikuskizunak zuzenean programarako diru-laguntzen deialdia eta oinarri arautzaileak merkataritzako eta ostalaritzako establezimenduek parte hartzeko**

Zuiako Udalak, 2020ko martxoaren 12ko udalbatzaren ohiko bilkuran, ZUMUZU programan merkataritza eta ostalaritza-establezimenduek parte hartzeko laguntzen deialdia eta oinarri arautzaileak onartzea erabaki zuen.

Zuiako Udalaren helburua da ekarpen bat egitea, diru-laguntzen bidez, gure udalerriko kultura-jarduera –zentzurik zabalenean– sustatuz, eta, era berean, tokiko eta kanpoko kultura-sortzaileek edozein adar artistikotan egiten duten jarduerari garapen-bideak gehitzea, arreta berezia jarriz formatu txikiko jardueretan eta zuzeneko musikan.

Gainera, ekimen honen helburuen artean daude gizarte-partaidetza kultura-jardueran bultzatzea eta gure herriaren gizarte-bizitza kolektiboa aktibatzea. Horretarako, uste dugu faktore lagungarria izan daitekeela, aipatutako helburuak lortuta, udalerriko merkataritza eta ostalaritza-ehuna eta berori bultzatzea.

Horretarako, udal honek Zuiako "ZUMUZU" programaren sorrera eta garapena bultzatuko du, udalaren eta udalerriko saltoki eta ostalaritza-establezimenduen arteko lankidetzaren bidez, formatu txikiko ekimen soziokulturalak garatzeko, bai merkataritza zein ostalaritza-espazioetan,

bai establezimendu horien ondoko espazio publikoetan eta udalerriko erabilera publikoko beste espazio batzuetan.

#### 1. Helburua

Oinarri hauen xedea da udalak kultura-jarduerak antolatzen dituzten erakundeekin lankidetzan ekonomikoan jarduteko baldintzak arautzea, bai 2020ko ekitaldirako zein ondorengoetarako.

#### 2. Onuradunak

Zuiako Udalerriko merkataritza-establezimenduak. Alor honen barruan dira ostalaritzaren eta, oro har, merkataritza. Udalak bere baliabideak erabiliko ditu udalerriko merkataritza-establezimendu guztiek arautegi hori ezagutzen dutela bermatzeko.

Arautegi honetatik kanpo geratuko dira udalerriko saltokiek edo beste erakunde juridiko bat duten erakundeek elkarlanean antolatzen ez dituztenak.

#### 3. Jarduerak

Jarduerak izaera soziokulturalekoak izango dira, formatu txikikoak, eta publiko orokorarentzat; gehienez ere, jarduera bat lagunduko da sei hilean behin establezimendu bakoitzeko.

Ezin izango dira diruz lagundu pertsonen duintasunaren eta giza eskubideen aurkakoak diren jarduerak.

Udalak aholkularitza emango du merkatariek programari buruz izan lezaketen edozein zalantzatan.

Interesa duen merkataritza arduratuko da egintza kontratatzeke gestioaz, bai eta eragindako gastu guztiak bere gain hartu ere, jarduera behar bezala garatzen dela bermatuz.

Oinarri hauetan aipatzen den diru-laguntza emateak ez du ekarriko inolako kontratu-harremanik Zuiako Udalaren eta erakunde onuradunaren artean, ez zibila, ez lanekoa, ez administratiboa, ez beste edozein motatakoa.

#### 4. Zuiako ZUMUZU programa garatzeko balorazio-irizpideak

Zuiako Udalaren Kultura-Arloak erabakiko du programaren garapena, irizpide hauek kontuan hartuta:

1. Jardueraren interesa, 3 puntutara arte.

2. Jardueraren garapenean euskara erabiltzea: 2 puntutara arte.

3. Emakumeek egindako jarduerak: 2 puntutara arte.

4. Egiten diren jardueretan herriko taldeak edo pertsonak aritzea, 2 puntutara arte.

5. Udalerriko merkataritza eta ostalaritza-establezimenduen ondoko erabilera publikoko espazioetan antolatutako jarduerak, puntu 1 gehienez.

6. Originaltasuna dela eta, puntu batera (1) arte garatutako beste jarduera batzuen gainetik nabarmentzen direnak sarituko dira.

#### 5. Metodologia

Zuiako Udalak 4.000 eurotako partida dauka 2020. urteko ekitaldirako.

Kultur programaren programazioa Zuiako Udalari dagokio, zehazkiago Kultura-Arloari, zeinak, aurreko ataleko irizpideei jarraituz, azken hitza izango baitu finantzaketarako jarduerak sartzean, betiere Zuian jarduera ekonomikoa garatzen duten establezimenduekiko lankidetzan.

Programa, ahal dela, sei hilean behin antolatuko da, honetara multzokatuko delarik hilabeteetan zehar:

- Urtariletik ekainera.
- Uztailetik abendura.

Jarduerak, oro har, zikloa hasi aurretik adostu beharko dira, eta dagokion diru-laguntzarako eskabideak, ahal dela, aurtengo seihileko bakoitzaren hasieran entregatuko dira. Deialdi hau onartzeko data kontuan hartuta, ekitaldi honetako lehenengo seihilekorako epea hilabetekoa izango da, deialdi hau ALHAOn argitaratzen denetik kontatzen hasita, eta bigarren seihilekorako, ekainean, ahal dela.

Udalak konpromisoa hartzen du jasotako proposamenen balorazioak eta horien ondoriozko programazioa behar besteko denboran izateko, behar bezala zabalduko bada.

Lehenengo balorazioa eta dagozkion txostenen eskaera Zuiako Udalaren kultura-arloko udal arduradunek eramango dute.

Eskatutako jardueretarako udalak egin ditzakeen gehieneko ekarpenak gastu osoaren ehuneko 70ekoa izango dira. Ehuneko hori ehuneko 50ean banatuko da jarduerako, ehuneko 10ean handitu ahal izango da jarduera euskaraz egiten bada eta beste ehuneko 10, jarduera gehiena emakumeek egiten badute. Nolanahi ere, ez dira gaindituko ezaugarrien edo tipologiaren arabera ezarritako kopuruak:

1. Musika emanaldiak: 500 euro.
2. Tailerrak, ikastaroak...: 150 euro.
3. Erakustaldiak edo erakusketak: 100 euro.
4. Hitzaldiak: 150 euro.
5. Bestelakoak. Gehienez, 200 euro.

Aldi bakoitzeko aurrekontua osorik gastatzen ez bada, gainerako zenbatekoa hurrengo aldiei metatzeko erabili ahal izango da. Aribideko seihilekorako aurreikusitako zenbatekoa gainditzen bada, hainbanatu egingo da, erakunde bakoitzari dagokion diru-laguntzaren zenbatekoa kontuan hartuta, salbu eta 4. paragrafoko irizpideen arabera puntuazio txikiena lortu duten jarduerak antolatzen dituzten establezimenduekin adosten bada horiek hurrengo seihilekora igarotzea.

#### 6. Komunikazioa eta propaganda

- Kultur zirkuituak "ZUMUZU" izena hartuko du.
- Zuiako Udalak urtero argitaratuko du diru-laguntzen deialdia, ahal dela urteko lehenengo hiruhilekoan.
- Udalak jarduera guztietarako kartel generiko batean garatuko ditu komunikazioa eta propaganda. Bi kartel mota hauek udalaren logoa eta ZUMUZU programaren bereizgarria izango dute. Jardueraren propaganda jarriko da, gutxienez, udalaren webgunean eta sare sozialetan, merkataritza-establezimenduaren webgunean, halakorik balego, eta kultura-zirkuituan borondatez parte hartzen ari diren establezimendu guztietan. Establezimenduren batek bere jardueraren kartel espezifiko bat argitaratu nahiko balu, egin ahal izango du, betiere Zuiako Udalaren logoa eta ZUMUZU programaren bereizgarria baditu. Gainera, argitalpena euskaraz zein gaztelaniaz agertuko da eta kontuan hartuko da zabalkunde karteletan irudi sexistarik ez erabiltzea.

## 7. Onuradunen betebeharrak

Honako hauek dira onuradunen betebeharrak:

1. Helburua betetzea eta eskatutako jarduera gauzatzea.

2. Zuiako Udalaren aurrean justifikatzea jarduera egin dela, jardueraren argazkiak dituen memoria labur baten bidez.

3. Zuiako Udalak eskatzen dituen finantza-egiaztapeneko eta gauzatze-jarduketegi men egitea, eta egindako jardueraren ordainagiriak eta fakturak aurkeztea, bai eta eskatzen zaion informazio guztia ere.

4. Zuiako Udalarari jardueraren balantze ekonomikoaren berri ematea. Ikus 11. puntua.

5. Ekitaldian zehar frogagiriak gordetzea, kontrol-ariketetarako eskatuz gero aurkezteko.

6. Zuiako Udalarari jakinaraztea proposatutako eta erakundeak diruz lagundutako jarduera gauzatzean gertatzen diren aldaketa guztiak.

7. Diruz lagundutako jarduera garatzeko behar diren baimenak lortzea, bai eta jarduera behar bezala gauzatzeko behar diren aseguruak edo baldintzak ere.

8. Eskatzaileak egunean izan beharko ditu Zuiako Udalarekiko, Foru-Ogasunarekiko eta Gizarte Segurantzarekiko zerga-betebeharrak.

9. Jarduera bererako beste administrazio edo erakunde batzuetatik diru-laguntzak edo laguntzak jaso dituzten ala ez adierazten duen zinpeko aitorpena aurkeztuko dute.

Adierazitako baldintzaren bat partzialki ez betetzeak diru-laguntza murriztea edo ukatzea ekar dezake.

8. Eskabideak, dokumentazioa eta aurkezteko epea

Eskabideak egiteko, eskaera-orria bete beharko da 5. puntuan adierazitako epeetan. Udaletxeko erregistroaren bidez aurkeztuko dira.

9. Prozedurarako jarraibideak

Eskatutako dokumentazioa aurkeztu ondoren, kultura-arloak jasotako eskaerak eta egindako txostenak aztertu eta analizatuko ditu. Ezarritako irizpideen eta aurkeztutako eskaera-kopuruaren arabera hautatzeko moduan emango da diru-laguntza. Instrukzio-organismoak balorazioa egin ondoren, Euskara, Hezkuntza, Kultura eta Kirol Batzordeak informatuko dute.

10. Jakinarazpena

Organo eskudunak ematen duen ebazpena behar bezala jakinaraziko zaie laguntzen eskatzaileei.

11. Justifikazioa eta epea

Zenbatekoak justifikatu ondoren ordainduko dira, dokumentazio honen bidez zurituta:

– Jardueraren memoria laburra, argazkiekin eta sinatutako jardueraren diru-sarreraren eta gastuen balantze-orriarekin batera.

– Garatutako kartelen kopia, bai eta egindako propaganda ere; elebiduna eta irudi sexistarik gabea izango dena.

– Jardueraren gastuen jatorrizko fakturak, BEZa ordaintzetik salbuetsita egonez gero, hori egiaztatzen duten agiriak aurkeztu beharko dira nahitaez.

– Diru-sarreraren aitorpena, jarduerak halakorik badu (matrikulak, babesleak, publizitatea, etab.).

– Artista batek hainbat ekitalditan parte hartzen badu ere, justifikazioak banan-banan egingo dira (jarduera bakoitza bere memoria eta fakturekin).

Justifikazio ekonomikoa eskabidean emandako aurrekontua baino txikiagoa bada, udalak dagokion minorizazioa egingo dio emandako laguntzari.

Egindako jardueren agiri bidezko justifikazioa, gehienez ere, jarduera egin eta hilabetera egingo da. Udalaren erregistroan aurkeztuko dira.

#### 12. ZUMUZUra bideratutako kopurua

Deialdi hau gauzatzeko, gehienez 4.000 euro erabiliko dira, 334.481020 establezimenduen diru-laguntza izeneko partidaren kontura.

#### 13. Araubide juridikoa

Oinarri hauetan jasotzen ez den guztiari dagokionez, Zuiako Udalaren diru-laguntzak arautzen dituen udal ordenantzak, diru-laguntzei buruzko azaroaren 17ko 38/2003 lege orokorrrak, aurreko legea garatzen duen erregelamendua onartzen duen 887/2006 errege dekretuak eta aplikatu beharreko gainerako aplikazioek arautuko dute.

**ZUMUZU PROGRAMARAKO DIRULAGUNTZAREN ESKABIDEA**  
SOLICITUD DE SUBVENCIÓN PARA PROGRAMA ZUMUZU

**ESKATZAILEA / SOLICITANTE**

<b>IZENA/NOMBRE</b>	<b>IFK/CIF</b>
<b>REPRESENTANTE/ORDEZKARIA</b>	<b>NAN/DNI</b>
<b>KONTU ZENBAKIA/NÚMERO DE CUENTA</b>	
<b>HELBIDEA/DIRECCIÓN</b> Kalea/calle Zk./nº Herria/ Pueblo Posta-kodea/Código Postal	
<b>POSTA ELEKTRONIKOA/CORREO ELECTRÓNICO</b>	
<b>TELEFONO ZENBAKIA/Nº DE TELÉFONO</b>	

**ADIERAZTEN DUT**

Ez diedala beste erakunde publiko edo pribatuei diru-laguntzarik eskatu kontzeptu beragatik.

Kontzeptu horregatik \_\_\_\_\_euroko dirulaguntza jaso dudala \_\_\_\_\_tik. (honekin batera dirulaguntza emateari buruzko agiriaren kopia bidaltzen da)

Kontzeptu beragatik dirulaguntza eskatu dudala eta gaurko egunean ez dela ebatzi.

**DECLARO**

Que no he solicitado ninguna otra subvención por el mismo concepto a otras instituciones públicas o privadas.

Que he percibido subvención para el mismo concepto por la cantidad de \_\_\_\_\_ euros de la institución \_\_\_\_\_ (se adjunta copia del documento de concesión de la subvención)

Que he solicitado ayuda por el mismo concepto y que a fecha de hoy no se ha resuelto.

Sinadura/Firma:

**DATUEN BABESA**

Datu pertsonalak babesteko 15/1999 Lege Organikoan ezarritakoa bezela, Zuiako Udalak jakinarazten dizu zure datu pertsonalak datuen fitxategi batean sartuko ditugula. Udala kudeaketak bere eskumenen alorrean dituen zereginak ahalbidetzea da fitxategi horren xedea.

Aipatutako Lege horretan jasotzen den moduan, datuak ikusi, zuzendu edo ezabatu nahi dituzula edo ez dituzula jarri nahi adierazteko. Honako helbide honetara jo dezakezu. Zuiako Udala, Udala plaza 1, 01130, Murgia (Araba).

**PROTECCIÓN DE DATOS**

En cumplimiento de lo dispuesto en la Ley Orgánica 15/1999 de Protección de Datos de Carácter Personal, el Ayuntamiento de Zuia le informa que sus datos personales van a ser incorporados para su tratamiento en un fichero de datos. La finalidad del fichero es la relación de tareas propias de la gestión municipal en el ámbito de sus competencias.

Si lo desea, puede ejercitar sus derechos de acceso, rectificación, cancelación y oposición previstos por la ley, ante el Ayuntamiento de Zuia, plaza del ayuntamiento, 01130, Murgia, (Álava).

**ZUMUZU 2020****FORMULARIOA/FORMULARIO****EKINTZA/ACTIVIDAD**

Adierazi ekintzaren mota. (musika, tailerrak...)  
Explica el tipo de actividad (música, talleres...)

**NON EGINGO DA? / ¿DÓNDE SE VA A REALIZAR?****NOIZ EGINGO DA? / ¿CUÁNDO SE VA A REALIZAR?****EUSKARAZ EGINGO DA? / ¿ACTIVIDAD EN EUSKARA?****EMAKUMEEK EGINDAKO EKINTZA? /  
¿ACTIVIDAD REALIZADA POR MUJERES?****UDALERRIKO PERTSONEK EGINDAKO EKINTZA? /  
¿ACTIVIDAD REALIZADA POR PERSONAS DEL MUNICIPIO?****EKINTZAREN IZAERA BERRITZAILEA /  
CARÁCTER INNOVADOR DE LA ACTIVIDAD.  
Hau egiaztatzeko dokumentazioa aurkeztu beharko da /  
Se deberá adjuntar documentación acreditativa.****GASTUA GUZTIRA/ GASTO TOTAL**